

8 DE MARZO

2022

Día Internacional de la Mujer Trabajadora

XUNTES y en LLUCHA escontra les desigualdaes



Día Internacional de la Dona Treballadora

Emakume Langilearen Nazioarteko Eguna

Día Internacional de la Mujer Trabajadora

Día Internacional da Muller Trballadora



Confederación Xeneral del Trabayu

Asina ye como nos **atopamos les mueres**, especialmente nos últimos siglos, Xuntes y en Lluha contra les Desigualdaes, **xuntes y en llucha pola nuesa emancipación, por un humanismu integral, por una sociedá d'igualdá, xusticia social, democracia direuta y llibertá solidaria**, como ye'l mandáu movimientu anarquista Mueres Llibres.

Les mueres, l'anarcofeminismu, tol movimientu feminista inclusivu actual, **llevamos munchos años en llucha porque'l sufrimientu que nos inflixe l'enemigu ye insoportable**. Un sufrimientu que toma lo físicu, lo psicolóxicu y lo éticu; que **nos afecta en tolos planos de la vida política, pública, llaboral, social, económica, personal, afeutiva, sexual, cultural, educativa, creativa...**

L'enemigu al qu'enfrentamos ye bien fuerte, polifacéticu ya agresivu. Vencelu significa consiguir el plenu tresformamientu social, haber construyíu una nueva sociedá de xusticia, llibertá ya igualdá plena de tolos seres humanos.

Esi enemigu llámase patriarcáu, esistió prácticamente dende siempre, amarutóse de múltiples formes, cuntó con amplies alliances y nun duldó en servir ya usar un ampliu abanicu d'ideoloxíes polítiques, sociales y económiques p'asina consiguir perpetuar el so gran oxetivu como ye la dominación del home sobre la muyer; xestando les pilastres de la so sociedá machista, sexista ya androcéntrica, arropada pol racismu, la xenofobia, el colonialismu ya inxerida polo reaccionario, la esplotación, del neolliberalismu y el supremacismu autoritariu, totalitariu y ñegacionista.

Pero si hai dalgún alliaú col que **s'identifica especialmente ye col capitalismu**. Dambos, capitalismu y patriarcáu —tantu monta, monta tantu— retroaliméntense mútuamente **pa que la sociedá actual que seguimos sufriendo seya la sociedá de les desigualdaes**.

Nesta sociedá, la mayor desigualdá ye la que sufrimos les mueres énte a los homes. **Discriminación, estorsión, abusu, despreciu, esplotación, marxinación... n'igualdá d'oportunidaes; en visibilidá pública; n'accesu a empregos de responsabilidá y xestión; nel desenvolvimientu profesional; na inxusta fendedura salarial y pensiones; na repartida del trabayu domésticu y trabayu de cuidos; na esplotación mercantilista ya obxetualización sexual**.

Pa la CGT, como organización anarcosindicalista, el 8 de Marzu sigue siendo'l Día Internacional de la Muyer Trabayadora, porque nesta sociedá de desigualdaes y clasista, la clase trabayadora ye esplotada y esa esplotación multiplíquese cuándo falamos de muyer trabayadora.

Esta ye **la nuesa llucha como mueres y como mueres trabayadores**, una llucha feminista, anarcofeminista, inclusiva, unitaria, na que caben toles sensibilidaes sobre la conceutualización de ser muyer, de la identidá personal, el xéneru, el movimientu Trans, LGTBQ+... lo que significa que la nuesa llucha **plantea una revolución social integral basada na xusticia social y la llibertá, la igualdá absoluta y real ente homes y mueres, una sociedá anticapitalista y llibertaria ensin mueres esplotaes, ensin nengún ser humanu escluyíu**.